

70
S. D. N. GREGORII
DIVINA PROVIDENTIA
P A P A E X I I I I .
C O N S T I T U T I O

De forma faciendi processus, & inquisitiones
ex præscripto Concilij Tridentini.

Super promouendis ad regimina Ecclesiarum Cathedra-
dralium, & aliarum Superiorum, seu Monasterio-
rum, atq; ad cæteras dignitates, de quibus
in Consistorio prouidetur.



R O M A E,
Apud Paulum Bladum Impressorem Cameralem.
M. D X C I.

SD. N. GREGORII
DIVINA PROVIDENTIA

P A P A E XIII.

CONSTITUTIO

De summi sacrosancti synodalis, & impudenter
ex parte ipsius Concilij Tabernaculi

Super promotionis ad regnum Hispaniarum, &
dialum, & aliam promotionem, & Monasterio
rum, atq; ad certitudinem, de quibus
in Consilio promissum.



R O M A E,

Apud Paulinum Bibliopam Imperatorem in Curia

M. D. C. C.

GREGORIVS EPISCOPVS

Seruus seruatorum Dei,

Ad perpetuam rei memoriam.



NVS Apostolicæ seruitutis, ad quod nuper nos dignatio diuina prouexit, assidue admonet, in eam potissimum curam nobis esse pastorali sollicitudine incumbendum, vt quæ à Sacris œcumenicisq; Cõcilijs pro communi totius Christiani populi salute piè, prudenterq; statuta sunt, nulla, aut temeritate violentur, aut negligentia deserantur; ea præsertim, quæ ad bonos, idoneosq; pastores Cathedralibus, ac Superioribus Ecclesijs gubernandis præficiendos pertinent, nam si in quibusuis Ecclesiæ gradibus, & ministris curandum est tales eligi, qui Religione, & sanctitate fideles ædificent, multo certè magis elaborandum est, ne in eius electione erretur, qui supra omnes gradus constituitur, cui tamquam seruo fidei, & prudenti totius familiæ cura traditur, qui ad omnem virtutem, & mandatorum Dei obseruantiam aliorum forma esse debet; cum certum sit gregis salutem magnopere pendere ex boni pastoris præstanti vita, & doctrina. Sanè Venerabiles patres, qui ex toto Terrarum Orbe ad sacrum generale Tridentinum Concilium à Summis Pontificibus Prædecessoribus nostris euocati magna frequentia conuenerunt, cum in alijs rebus multis præclarum studium ad corrigendos deprauatos mores, & collapsam Ecclesiasticam disciplinam restituendam ostenderunt, tum in eo potissimum insigni zelo, magnaque cum laude laborarunt, vt rationem inuenirent, qua viri doctrinæ, pietate, prudentiaque excellentes, & in Ecclesiasticis functionibus diu multumq; versati, Ecclesijs Cathedralibus præficerentur. Nos igitur, qui cum in minoribus constituti Cremonensium Ecclesiam regeremus, in eodem Concilio cum Sanctis, & egregijs illis Patribus interfuimus, & Concilio absoluto ad Ecclesiam nostram reuersi magno semper desiderio flagrauimus, vt tam salubria generalis Concilij decreta executioni debitæ mandarentur, atq; vt id fieret pro virili parte curauimus: Multo nunc magis, cum disponente Domino omnium Ecclesiarum cura, & sollicitudo nos præmit, summo desiderio tenemur, vt Pastores ij præficiantur Ecclesijs, qui opus suum, & ministerium impleant, & de ouium salute nos in Domino lætificent. Illud autem in hoc saluberrimo, & pernecessario negotio, quod est de Episcopis eligendis, & præficiendis videtur esse præcipuum, vt instructio, examen, & inquisitio de fide, vita, moribus, doctrina, & prudentia promouendorum, tam accuratè fideliter, ac seruo instituatur, vt omnis fallaciæ fuco semoto, certo cõfidere valeamus, tales à nobis Christi gregi pascendo esse præpositos, quales tantum onus, Angelicis videlicet humeris formidandum, exigit, & quales ille expectit, qui pro iisdem ouibus redimendis propriæ vitæ, ac sanguini non pepercit. Et quidem in hac parte prouidentia dicti Concilij Tridentini minimè defuit, cum statuerit, ac mandauerit, vt in Prouinciali Synodo per Metropolitanam habenda

prescriberetur quibusq; locis, & Prouincijs, propria examinis, seu inquisitionis, aut instructionis faciendæ forma Romani Pontificis arbitrio approbada, quæ magis eisdem locis utilis atq; opportuna esse videretur. Verum neque id hæcenus nisi à paucissimis factum est, neque spes est nisi longissimo temporis spatio, vt ab omnibus fiat, atque interim, dum certa examinis, siue inquisitionis ratio à Prouincialibus Concilij expectatur, perit vber ille fructus, qui ex tam vtilibus Concilij generalis decretis sperari posse videbatur, & experientia ipsa docuit per tot annos à publicatione Concilij prædicti elapsos, quid in vnaqua; Prouincia opus sit quidue possit fieri. Habita igitur cum Venerabilibus nostris Sanctæ Romanæ Ecclesiæ Cardinalibus, matura deliberatione, ac de eorum vnanimi consilio, & assensu, præsentis nostræ perpetuæ valitura Constitutione decernimus, vt cum extra Romanam Curiam examen, instructio, siue inquisitio faciendæ erit, nemo omnino cuiuscumq; status, grauis, conditionisue fuerit inquisitionem prædictam sibi arrogare præsumat, sed integrum hoc negocium ijs, qui à prædicto Tridentino Concilio designantur, Apostolicæ, videlicet, sedis legatis, seu Nuncijs Prouinciarum, aut eius de quo inquisitio fit, Ordinario, eoque deficiente Ordinarijs vicinioribus relinquatur, nisi iustis de causis nobis, aut pro tempore existenti Romani Pontifici per speciale mandatum alicui alteri hoc munus quandoque committendum esse visum fuerit. Quod si fortè aliquis prædictorum consanguinitate, aut affinitate vsq; ad tertium gradum inclusiue promouendum contingeret, vt omnis suspicio carnalis affectus à tam sancto negotio repellatur, ille quidem eo casu censeatur exclusus, atq; ad eum, qui proximè sequitur hoc est, si Legatus excludendus erit ad Nuncium, si Nuncius ad Ordinarium, si Ordinarius ad viciniorum Ordinarium inquisitionis officium deferatur. In Curia verò hæc functio spectet, vel ad eos Cardinales, qui à nobis, vel pro tempore existente Romani Pontifice deligentur, vel ad Cardinales earum Prouinciarum, seu Regnorum apud nos, & Sedem Apostolicam Protectores, in quibus Ecclesiæ ipsæ consistunt, si tamen ad ipsos huiusmodi vacantium Ecclesiarum relatio pertinebit, quod si de Episcopo, vel Metropolitano extra Romanam Curiam degente ab vna Ecclesia ad aliam ex aliqua graui, & iusta causa transferendo agatur, hoc munus deficientibus Legato, vel Nuncio Apostolico eius Prouinciæ, aut Regni vbi Ecclesia ipsa à qua transferetur sita erit, ad Metropolitanum, si Episcopus, ad suffraganeum verò antiquiorem residentem, si Metropolitanus transferendus erit pertinere declaramus. Deinde, quia sacrum Tridentinum Concilium, non sine magna ratione eminentes personas, & quæ negocij magnitudinem probe intelligerent, ad hoc officium nominauit, Declaramus, & statuimus, tam Legatos, siue Nuncios, quam Ordinarios, vel alios ab hac Sancta Sede fortè delegandos non per Auditores, aut Vicarios, aliosue ministros, sed per seipos inquirendi munus exercere debere, quamuis ab huiusmodi personis, alijsque viris peritis adiuuari possint. Et si Prælati inquirens per se, non posset ob locorum distantiam testes examinare circa articulum aliquem, vt legitimos natales, vel ætatem, aut aliquid eiusmodi, licebit ei articulum illum alteri personæ in dignitate Ecclesiastica constitutæ subdelegare, non autem vniuersam inquisitionem. Quod si fortè contingat, aliquem prædictorum legitime impediri, vt per se hoc munus præstare non possit, ad alios ea cura transferretur, qui sunt ab eodem Concilio Tridentino ad hoc officium designati, vt supra dictum est, de ijs qui ob consanguinitatem, vel affinitatem ab hoc munere excluduntur. Ad hæc, vt mens eiusdem Sacri Concilij rectè, ac fideliter debi-

ræ executioni mandetur , & tale sit examen , quale requiritur in negotio tanti ponderis , declaramus , ac statuimus , non esse in vita , ac doctrina promouendi inuestiganda eam rationem adhibendam , vt ab ipso promouendo articuli offerantur , ac testes producantur , sed oportere , vt Prælatus , qui munus inquirendi suscepit , articulos conscribat , atq; ipse ex officio suo illos testes vocet , atq; examinet , quos de rebus inquirendis sincerus , ac fidele testimonium daturus esse existimet . Verum , vt inquisitio prædicta facilius , ac plenius perfici , atq; expediri queat vrile erit , si Prælatus , qui inquisitionem facturus est , vel à promouendo , vel ab alio aliquo confici euret schedulam , in qua sint ordine descripta nomen promouendi , cognomen , patria , parentes , ætas , ordo , gradus , professio , functio , si quam is fortè exercuit , loca in quibus , aut Theologia , vel iuri Canonico operam dederit , aut longo tempore versatus fuerit , deniq; amici , ac familiares , qui tam ipsum , quàm parentes eius intime norint . Quòd si promouendus documentum aliquod exhibere voluerit , vnde ipsius ætas , gradus , dignitas , sacri Ordines , functio , officia , muneraq; aut aliquid eiusmodi comprobetur , admittendum , ac processui inferendum erit , modo documentum publicum , seu authenticum fuerit . Illud quoque prohibendum censuimus , ac expressè prohibemus , ne ad testimonium dicendum de fide Catholica , vita , moribus , doctrina , atq; aptitudine , ad regendam Ecclesiam quilibet homines admittantur , sed viri tantum graues , pij , prudentes , docti , qui de qualitatibus promouendorum rectum iudicium ferre valeant , ac vt supra diximus , sinceris , ac fidele testimonium dare velint . Proinde tã cognati , ac nimium familiares , quàm inimici , atq; æmuli excludendi erunt . Porrò testes eiusmodi Prælatus , qui examen , seu inquisitionem habiturus erit , seorsum , ac sigillatim examinabit , & si quando iudicauerit expedire , eis ad memoriã reducet , tum iuramenti vim , tum peritij grauitatem : eosdem etiam serio , & grauitè admonebit ipsos reos futuros apud Omnipotentem Deum eorum omnium , quorum , vel committendo , vel ommittendo rei erunt , qui promouebuntur , si vel falsa narrando , vel reticendo vera , in causa erunt , vt homines indigni , vel minus idonei eiusmodi Ecclesijs præficiantur . Diligenter etiam testium qualitates cognoscere studebit , ac potissimum quam sint ad promouendos affecti , vt inde conijciat vtrum ex affectu , an ex veritate testimonium dicant . Denique enim testes de qualitatibus promouendi interrogabit ; dabit operam , vt quoad eius fieri potest omnia , & singula , quæ ad prædictam inquisitionem facere videbuntur , per ipsos exprimantur . Quamuis autem qualitates omnes promouendorum , quæ in Generalium Synodorum decretis , alijsq; Canonicis functionibus continentur , probe cognitæ esse debeant , ijs , quibus inquisitionis officium demandatum est , quales sunt natum esse ex legitimo Matrimonio , atq; ex parentibus Catholicis , Annus trigesimus iam expleuisse , sacris ordinibus , saltem ante sex Menses initium esse , gradum Doctoratus , aut licentiæ in Theologia , vel iure Canonico , aut certè publicum alicuius Academiæ testimonium obtinuisse , quoad alios docendos idoneus esse declaretur , ad hæc in Ecclesiasticis functionibus diu esse versatum , item fidei puritate , innocentia vitæ , prudètia , vsu rerum , integra fama , doctrina denique prædium esse ; tamen , quia circa doctrinam plures fraudes committi solent , & sæpè contingit , vt nonnulli scientia vacui , de solo Doctoris titulo , aut priuilegio glorientur : volumus , vt de eorum etiã doctrina diligenter inquiretur , qui , vel Doctoratus , aut licentiæ titulis , & priuilegijs gaudent , vel etiam à publicis Academicis testimonium habuerunt , quòd idonei essent ad alios docendos ; nisi fortè aliquorum insignis doctrina , ex publica ipsorum functione notoria esset . Ita verò in-

quisi-

quisitio facienda erit, vt quibus in locis, quanto tempore, & quo fructu Theologiae, vel iuri Canonico promouendos operam dederit cognoscatur. Et quoniam, in quibusdam Prouincijs nulla sunt Studia generalia, neq; vllæ publicæ Scholæ, neq; vltus habet, vt qui studijs operam nauant, vllis Doctōratus, aut licentiæ insignibus decorentur, declaramus in eiusmodi locis sufficere, si testimonio virorum grauium, & Sacræ Theologiæ, vel iuris Canonici peritorum constet, promouendos ea scientia Theologiæ, vel Canonum verè pollere, vt idonei sint ad ea docenda, quæ populum Christianum scire oportet, ac muneri sibi iniungendi necessitati valeant satisfacere. Testes præterea deponant se de scientia promouendorum certos redditos esse ex eo, quòd prædictos promouendos specimen suæ doctrinæ publicè, vel priuatim dedisse cognouerint. Quòd autem ad regulares pertinet cum ad Ecclesias Cathedrales promouendi fuerint: ne fraus vlla subrepere possit, in eos, quòd idem Tridentinum Concilium statuit, vt regulares à suis Superioribus sufficientis doctrinæ testimonium habeant. Declaramus nomine Superiorum eos dumtaxat intelligendos esse, qui nullum sui Ordinis Superiorem agnoscunt, siue ij cuius Ordinis Abbates, Magistri, aut Ministri, aut Præpositi generales, aut quorumlibet Congregationum Præsidentes, siue Definidores, aut Visitatores Capitulum Generale representantes, siue alij quocunq; vocabulo nominentur, & in eorum absentia ipsorum Vicarij, seu Commissarij Generales, vel in Romana Curia, Procuratores Ordinum, aut Congregationum generales in hac parte succedant. Et nihilominus præter Superiorum testimonium, qui fidem facient eiusmodi regulares ad alios docendos idoneos esse, volumus ea seruari, quæ de ijs diximus, qui publicum suæ doctrinæ ab aliqua Academia testimonium habet, vt videlicet serio inquiretur an regulares ad Cathedrales Ecclesias promouendi eos progressus in studijs fecerint, qui in futuro Antifite requiruntur. Post inquisitionem vero de fide, vita, moribus, doctrina, & prudentia promouendi, necnon informationem de statu Ecclesiæ, alijsque necessarijs rebus, quæ pariter coram superius expressis Prælati iuxta eiusdem Concilij decreta fieri debet, professio Fidei Catholicæ à promouendo facienda erit; quam quidem ab eo dumtaxat recipiendam esse declaramus, ad quem inquisitio pertinebit; nisi fortè, qui professionem emisurus est à Prælato inquirente longè distet: tūc enim is Prælati ex subdelegatione inquirentis professionem admittere debet, cui promouendus vicinior erit, quod idem intelligatur, de informatione de statu Ecclesiæ, accipienda; si quando contingeret, vt in alia Prouincia, siue Regno esset Ecclesia, in alio promouendus. Recipiet autem Prælati professionem promouendi præsentem Notario publico, ac testibus, atque eam à se admissam, ac receptam propriæ manus subscriptione testabitur. Is quoq; qui professionem eiusmodi fecerit, in eo loco vbi proprium nomen profitentis exprimi solet, nomen suum manu propria adscribet. Deniq; his præactis Notarius publico Instrumento fidem faciet de professione prædicta adhibitis testibus, vt præferatur. Vbi vero totum examen, seu inquisitio de persona promouenda perfecta fuerit, ea in Instrumentum publicum redacta cum toto testimonio, ac professione fidei emissa ad hanc Sanctam Sedem, vt Concilium statuit, quamprimum clausa, & obsignata in forma authentica transmittenda erit. In qua re obseruari volumus, vt professio Fidei ijsdem omnino verbis descripta sit, quæ in ea forma continentur, quam felicis recordationis Pius Papa IIII. Prædecessor noster statuit obseruandam, & vt Prælati, qui instructionem, examen, & inquisitionem fecit, vel per literas separatas simul tamen cum processu mittendas, vel per subscriptionem dicti

dicti processus significet, quanta fides testibus examinatis, eorumq; dictis, & scripturis productis suo iudicio habenda sit; simul etiam quid de promovendo ipse sentiat, processus autem sic formati, & ad Curiam transmissi, à Cardinalibus, cui proponendi munus incumbet, & à tribus Prioribus Ordinum Cardinalibus, ut moris est, iuxta formam Concilij prædicti subscribentur, & expediuntur. Volumus autem, ut Cardinalis relator moneatur promovendum si præsens in Curia fuerit, ut iuxta Concilium Lateranensium novissimum celebratum omnes Cardinales, siue maiorem partem Collegij adeat, antequam Ecclesiam proponat, ut quæ à referente Collegia sint audiri, oculata fide quantum ad personam promovendi attinet cognoscere possint. Hæc porro omnia, quæ de promovendis ad Ecclesias Cathedrales dicta sunt, ad eos etiam pertinere atque in eorum promotione servanda esse declaramus, & decernimus, qui nominati, præsentati, aut electi fuerint, ad dignitates Abbatiales, ac Prioratus, seu Præpositatus; Monasteriorum regimina, aut alias Regularium cuiusvis Ordinis, aut etiam secularium præfecturas, de quibus Confistorialiter provideri contigerit, atq; eos præsertim, quibus præter curam, & regimen Monachorum, aut Canonicorum, Clericorumq; Regularium, vel secularium annexa est in populum iurisdictio spiritualis, vel temporalis, excepta tamen ætate circa quam nihil innovamus. Quo vero ad doctrinam, cum generalia Concilia non statuunt, ut personæ promovendæ ad Regulares dignitates Doctoratus, siue licentiæ gradum suscipere, vel publicum testimonium ab Academia aliqua habere teneantur, & tamen æquum sit, ut ea doctrina polleant, qua onus sibi imponendum sustinere valeant, declaramus, & statuimus, ut Prælati, qui inquirendi munus suscepturi sunt, studiosè, ac diligenter inquirent super doctrina eiusmodi personarum iuxta modum, & formam superius præscriptam, ut nos, & pro tempore futuri Romanæ Pontifices habita de illis vera informatione per processum, qui ab inquirente transmittitur, certo statuere, ac iudicare possimus, an persona promovenda verè sit talis qualem dignitas illa ad quam provehenda est, exigit, & requirit. Hortamur verò in visceribus Domini Nostri Iesu Christi, ac paterna charitate monemus eos omnes, qui ab hac Sancta Sede nominandi, præsentandi, vel etiam eligendi futuros Episcopos, vel Abbates ius habent, ut serio apud se cogitent quantum momenti sit hoc negocium, ex quo salus animarum, tranquillitas Reipublicæ, incolumitas Religionis, propagatio fidei, aliaq; permulta, & maxima bona dependent. Illud etiam sæpè, & sæpius ad mentem reuocent, quod Sancta Tridentina Synodus admonet, nihil se ad Dei gloriam, & populorum salutem vitius posse facere, quam si bonos pastores, & Ecclesiæ gubernandæ idoneos promoveri studeant, eosq; alienis peccatis communicantes mortaliter peccare: nisi quos digniores, & Ecclesiæ magis utiles ipsi iudicauerint non quidem precibus, vel humano affectu, aut ambientium cupiditatibus; sed eorum exigentibus meritis præfici diligenter curauerint. Denominandis verò præsentandis, vel eligendis ad Regulares dignitates præter ea, quæ superius obseruanda esse declarauimus, illud quoque paternis his nostris hortationibus, & monitionibus adiiciendum censuimus, ut nominationis, præsentationis, vel electionis ius habentes eos deligere studeant, atque omnino conentur, qui non modo eundem Ordinem sint ante professi, sed in eodem etiam satis diu laudabiliter versati, neque enim decet, ut magistris aliorum esse incipiant, qui non fuerint ante discipuli, & subditi imperare præsumant, qui prius non didicerint Superioribus obedire. Eos deniq; qui vel examinando, & inquirendo, vel testimonium ferendo operam suam in hac re præstabant serio admonemus,

nemus, vt ea fide, ac diligentia in negotio tanti momenti versentur, vt à Deo, & à nobis laudem pro bono opere expectare valeant. Nulli ergo omnino hominum liceat hanc paginam nostræ prohibitionis, voluntatis, declarationis, decreti, statuti, hortationis, & monitionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se nouerit incursum. Dat. Romæ in Monte Quirinali, Anno Incarnationis Dominicæ, Millesimo quingentesimo nonagesimo primo, Idibus Maij, Pontificatus Nostri Anno Primo,

A. Card. Montaltus Summator.

M. Vestrius Barbianus.

A. de Alexijs.